



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-3-40-625-4/24**
Datum: **13.03.2025. god**

«Agencija za vodno područje rijeke Save» Sarajevo rješavajući po zahtjevu pravnog lica «KOMGRAD-ZE» d.o.o. Zenica za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta pogona asfaltne baze u naselju Begov Han, općina Žepče, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «KOMGRAD-ZE» d.o.o. Zenica, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta pogona asfaltne baze kapaciteta 100 t/h izgrađenog u naselju Begov Han, na zemljištu označenom kao k.č. broj: 156/1 K.O. Mračaj, općina Žepče.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno fekalnih voda, a za čije izdavanje je nadležno Ministarstvo poljoprivrede, šumarstva i vodoprivrede Zeničko-dobojskog kantona u skladu sa članom 139. stav 2. tačka 1. i 2. Zakona o vodama ili općina, ukoliko je kantonalnim propisom prenesena nadležnost na općinu, shodno stavu (3) istog člana Zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na predmetnoj lokaciji i uz sljedeće uslove:
 - 3.1. Da se upotreba i korištenje instalirane opreme i objekata na predmetnom lokalitetu vrši u skladu sa njihovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, za vrijeme trajanja ove dozvole, obezbijedi da se onečišćene oborinske vode sa radnog platoa, prostora pretakališta, saobraćajnih i manipulativnih površina, prikupljene zasebnom kanalizacionom mrežom sa slivnicima i slivnom rešetkom, nesmetano odvođe na tretman u separator ulja i masti. Prečišćene vode iz separatora se, preko okna za monitoring, ispuštaju u rijeku Bosnu.
 - 3.3. Prečišćene otpadne vode, prije ispuštanja u recipijent – rijeka Bosna moraju ostati u maksimalno dopuštenim granicama definisanim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.4. Objekte koji se koriste u svrhu prikupljanja, odvodnje i tretmana oborinskih onečišćenih otpadnih voda nastalih na predmetnom lokalitetu (kanalizaciona mreža, slivnici, linijske slivne rešetke, separator ulja i masti...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 3.5. Čišćenje i održavanje separatora ulja i masti te skladištenje i konačno zbrinjavanje otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz separatora ulja i masti i septičke jame kao i preuzimanje drugog otpada.
 - 3.6. Sadržaj (mulj) iz separatora ulja i masti se ne smije ni privremeno odlagati na česticu «vodno dobro», odnosno u vodotok i na njegove obale.
 - 3.7. Da se skladištenje bitumena vrši u tri nadzemna rezervoara ukupne zapremine 120 m³ (3 x 40 m³) a lož ulja potrebnog za zagrijavanje bitumena u nadzemnom rezervoaru zapremine 15 m³.
 - 3.8. Da se zaštitna tankvana oko rezervoara bitumena i lož ulja (kao i sami rezervoari) redovno kontroliše na vodonepropusnost tj da se vrši periodično ispitivanje iste te poduzimaju odgovarajuće mjere u cilju sprječavanja akcidentnih zagađenja usljed eventualnog curenja iz rezervoara ili tankvane.

- 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.10. Da se na predmetnom lokalitetu, osiguraju priručna sredstva za brzu intervenciju u slučaju nekontrolisanog istjecanja lož ulja i termalnih tečnosti, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 3.11. Da se rabljena ulja i sličan otpad skladišti u odgovarajućoj ambalaži u natkrivenom prostoru do konačnog zbrinjavanja od strane ovlaštenog pravnog lica.
 - 3.12. Vlasnik odnosno korisnik pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 3.13. Vlasnik odnosno korisnik pogona je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik pogona je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na lokalitetu predmetnog pogona obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 8. Ukoliko radom predmetnog pogona za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke nastalih šteta otkloniti, a nastale štete trećim licima nadoknaditi.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. U ovoj upravnoj stvari plaćene su sve upravne pristojbe.
 11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica «KOMGRAD-ZE» d.o.o. Zenica, dana 06.12.2024. godine podnesen je ovoj Agenciji zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent sa lokaliteta pogona asfaltne baze kapaciteta 100 t/h izgrađenog u naselju Begov Han, na zemljištu označenom kao k.č. broj: 156/1 K.O. Mračaj, općina Žepče.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra/upisu u sudski registar broj: 043-0-RegZ-24-003150 izdatog dana 18.10.2024. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 04.06.2018. godine od strane Porezne uprave – Kantonalni ured Zenica,
- Ovjerena kopija Uvjerenja o registraciji/upisu u Jedinствeni registar obveznika indirektnih poreza broj: 04/1-17-1-UPJR/1-15634-2/18 izdatog dana 22.11.2018. godine od strane Uprave za indirektno-neizravno oporezivanje Banja Luka,
- Punomoć zastupnika podnosioca zahtjeva broj: I-2754/24 od 05.12.2024. godine,
- Kopija Rješenja o odobrenju za građenje broj: 12-23-6603/09 izdatog dana 10.03.2010. godine od strane Ministarstva za urbanizam, prostorno uređenje i zaštitu okolice Zeničko-dobojskog kantona,
- Kopija Rješenja o odobrenju za upotrebu broj: 12-23-3645 izdatog dana 06.08.2009. godine od strane Ministarstva za urbanizam, prostorno uređenje i zaštitu okolice Zeničko-dobojskog kantona,
- Kopija Rješenja o okolinskoj dozvoli broj: UPI-05/2-23-11-13/19 izdatog dana 23.07.2019. godine od strane Federalnog ministarstva okoliša i turizma Sarajevo,
- Odgovor na zahtjev broj: UP05/2-23-11-13/19 dostavljen dana 14.05.2024. godine od strane Federalnog ministarstva okoliša i turizma Sarajevo,
- Kopija Izvještaja broj: 2239/24 o monitoringu kvaliteta i kvantiteta otpadnih voda Asfaltne baze u naselju Begov Han, općina Žepče urađen od strane «Inspekt-RGH» d.o.o. Sarajevo, oktobar 2024. godine,
- Kopija Rješenja o vodnoj dozvoli broj: UP-1/21-3-40-445-4/19 izdatog dana 09.12.2019. godine od strane «Agencije za vodno područje rijeke Save» Sarajevo,
- Kopija Ugovora broj: 890/24-DS o izvođenju radova na čišćenju separatora, odvozu i zbrinjavanju mulja i taloga potpisan dana 28.06.2024. godine između preduzeća «KOMGRAD-ZE» d.o.o. Zenica i «DELTA PETROL» d.o.o. Kakanj (prilog – radni zapisnik o čišćenju separatora od 05.08.2024. godine faktura broj: 002637-1 od 08.08.2024. godine),
- Kopija Odluke broj: 270/I/2012 o ulaganju stalnih sredstava od 31.12.2012. godine (preduzeće «ALMY-TRANSPORT» d.o.o. Zenica prenosi pravo vlasništva na preduzeće «KOMGRAD-ZE» d.o.o. Zenica),
- Kopija Upotrebne dozvole broj: 1070B/I-23 za postrojenje za proizvodnju asfalta proizvođača «AYDIN» Turska tip D-AP 100 kapacitet 100 t/h izdate dana 12.09.2023. godine od strane Instituta za zaštitu, ekologiju i obrazovanje d.o.o. Tuzla,
- Glavni projekat – vanjsko uređenje za Asfaltnu bazu Begov Han, općina Žepče urađen od strane «AVALON-a.g.e.» d.o.o. Zenica (šifra: 02-06/08, juni 2008.godine) - na uvid,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta asfaltne baze u naselju Begov Han, općina Žepče i tom prilikom je sačinjen Zapisnik o uviđaju broj: UP-1/21-3-40-625-3/24 od 12.03.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Pogon asfaltne baze «Bistrica» kapaciteta 100 t/h lociran je na desnoj obali rijeke Bosne u naselju Begov Han, općina Žepče. Tehnološka oprema se sastoji od opreme predozatora, sušenja i zagrijavanja materijala, transporta vrućih materijala na sito, transporta punila, vaganja vrućih minerala, aditiva, punila i bitumena, vaganje freznog asfalta, miješanja, skladištenja gotove mase, grijanja i skladištenja bitumena, opreme za upravljanje i kontrolu, opreme za otprašivanje, opreme za signalizaciju, elektroinstalacije, instalacije komprimiranog zraka sa kompresorom. U krugu kompleksa izgrađen je i natkriveni objekat sa kancelarijom i sanitarnim čvorom, radni plato, boksovi za deponovanje agregata, parking i radno-manipulativne površine, septička jama i separator ulja i masti. Kapacitet proizvodnje je 100 tona/h.

Bitumen koji se koristi kao sirovina za proizvodnju asfalta skladišti se u 3 nadzemna čelična rezervoara zapremine po 40 m³ dok se smještaj lož ulja vrši u nadzemnom čeličnom rezervoaru kapaciteta 15 m³. Rezervoari su smješteni u betonsku nepropusnu tankvanu za prihvrat rasutog ulja ili bitumena.

Za pogon asfaltne baze kapaciteta 100 t/h na istom lokalitetu ranije je od strane ove Agencije, doneseno Rješenje o vodnoj dozvoli broj: UP-I/25-3-40-445-4/19 od 09.12.2019. godine sa određenim uslovima. U toku uviđaja utvrđeno je da nije bilo izmjena u odnosu na naprijed navedeno rješenje o vodnoj dozvoli.

Snabdijevanje vodom za sanitarne potrebe uposlenih je obezbijeđeno sa mjesnog vodovodnog sistema dok se sanitarno fekalne vode iz sanitarnog čvora za uposlene prikupljaju zasebnom kanalizacionom mrežom te odvođe u septičku jamu.

Onečišćene oborinske vode sa uređenog radnog platoa, prostora oko istakališta, saobraćajnih i manipulativnih površina koje mogu biti opterećene naftnim derivatima kao i suspendovanim materijama prikupljaju se sistemom slivnika, slivnih rešetki i kanalizacione mreže i odvođe na tretman u separator masti i ulja. Nakon tretmana, prečišćene vode se preko okna za monitoring ispuštaju u rijeku Bosnu.

Monitoring otpadnih voda se vrši redovno. Na uvid predložen izvještaj o ispitivanju kvaliteta otpadnih voda za oktobar 2024. godine urađen od strane «Inspekt RGH» d.o.o. Sarajevo. Prema podacima iz dostavljenog Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Čišćenje i pražnjenje separatora ulja i masti vrši se redovno od strane firme «DELTA PETROL» d.o.o. Kakanj prema ugovoru (priložen radni zapisnik i faktura o čišćenju separatora za august 2024. godine).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja predmetnog poslovnog objekta u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 6. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «KOMGRAD-ZE» d.o.o. Zenica, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta pogona asfaltne baze kapaciteta 100 t/h u naselju Begov Han, općina Žepče, te je riješeno kao u dispozitivu ovog Rješenja.

Podnosilac zahtjeva je uplatio posebne troškove shodno Zaključku ove Agencije broj: UP-1/21-3-40-625-2/24 od 21.02.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- «KOMGRAD-ZE» d.o.o. Zenica
- ul Bistua Nuova do broja 17, 72000 Zenica
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava